



UNIVERSITÄTS-
BIBLIOTHEK
PADERBORN

Universitätsbibliothek Paderborn

Petri Danielis Huetii Demonstratio Evangelica

Huet, Pierre Daniel

Parisiis, 1679

VI. Evangelii secundum Johannem;

urn:nbn:de:hbz:466:1-16260

mortuis suscitatum vidisse se gloriabatur, laudatur & à Polycarpo Apostolorum, Johannisque potissimum discipulo, & à Papia Johannis itidem auditore, & Polycarpi fidale. Quocirca solum Matthaei Evangelium probabat Cerinthus haereticus, Apostolorum coetaneus, reliqua repudiabat. Hos excipit Justinus Martyr, librorum omnium Novi Testamenti laudator assiduus, præterquam Epistolæ Pauli ad Philemonem, Catholicae Judæ, & duarum Johannis postremarum; quarum, propter brevitatem, nulla citandi videatur ipsi data occasio. Succedit Athenagoras; huic Irenæus, Polycarpi discipulus, quique se primam Apostolorum successionem attigisse jaetabat. Is scriptum à Mattheo narrat Evangelium patria lingua, cum Romæ Petrus & Paulus Evangelium promulgarent. Tum subiunt Scriptorum agmina, libris iisdem auctoritatem suam asserentium: quibus commemorandis supersedeo, nam res liquet, nec de recentioribus illis dubitatur. Tota de primis illis contentio est.

Evangelii secundum Marcum;

III. Marcum Petri discipulum, ab eoque in Epistolis laudatum, Evangelii, quod ejus nomine circumfertur, fuisse conditorem scripsit idem, quem proxime nominavi, Papias Hieropolitanus Episcopus, scripsit & Clemens Alexandrinus. Ejus auctoritate sape utitur Justinus, ut dixi. Ex iis que Petrum prædicantem audierat Marcus, Evangelium hoc esse conflatum Irenæus tradidit. Hinc crebra ejus mentio apud alios supparet Irenæo. Porphyrius quoque dum quædam in eo temere carpit, ipius antiquitatem & *γνῶσην* confirmat.

Evangelii secundum Lucam;

1. Cor. 8. 18.

Euseb. Hist.

libr. 3. cap. 4.

¶ eiusdem

Apostolorum

Apostolo-

rum;

Philastri. Hx.

16.

Euseb. Hist.

libr. 4. cap. 19.

Evangelii secundum Johannem;

Joh. 21. 22.

Joh. 21. 24.

Joh. 3. 11.

Joh. 21. 25.

Joh. 21. 25.

I V. Lucæ, qui Paulum peregrinans assertatus est, Evangelium Paulus ipse elogio consecravit in Epistola posteriori ad Corinthios, his verbis: *Misimus etiam cum illo fratrem, cuius laus est in Evangelio per omnes Ecclesias, non solum autem, sed & ordinatus est ab Ecclesiis comes peregrinationis nostra.* Idem Evangelium à Paulo significari volunt his verbis, quæ sape ab eo usurpata reperias; *Secundum Evangelium meum.* Auctor Eusebius. Itaque testem cum sape allegat Clemens Romanus in memoratis Epistolis ad Corinthios, ac deinde Justinus. Nonnulli etiam ex eo petitum habet Epistola Barnabæ. Sed & proxime laudatum Pauli testimonium ex altera ad Corinthios, Ignatius ad Ephesios scribens ipsi accommodavit. Meminit ejus & Irenæus; solumque illud Evangelium, alis rejectis, admiserunt Credo, & Marcio. Scio hunc duo ejus priora capita, sic tanquam supposititia expunxisse: verum suam illius *γνῶσην* in Propositione nona, tum cum Mariæ virginitatem tuebimur.

V. Actius quoque Apostolorum fidem haberi vertent Cerinthus, quemadmodum à Philastro proditum est, & Severus, quemadmodum ab Eusebio; Cerinthum autem Apostolorum temporibus vixisse constet, Severum M. Aurelii ævo, libri vetustas hinc deprehenditur. Se autem hujus scriptorem prodit Lucas in Proemio ad eundem Theophilum, quem in Evangelii sui aditu compellat, illicque se res à Christo gestas literis jam ante mandasse significat. Ita hi sibi libri, alter alteri, auctoritatem conciliant. Egregium autem cum universæ Evangelicæ historiæ, tum præcipue Evangelio Lucæ, atque Actius etiam Apostolorum ab eo scriptis, antiquitatis testimonium commodat Philostratus, Severo Augusto coevis. Pleraque enim Christi, Apostolorumque miracula ex his libris adeo manifeste in Apolloniu suum transcripsit, ut ne à verbis quidem ipsis usurpandi abstinuerit. Id nos luculenter in Propositione nona demonstrabimus.

VI. Ad Evangelium scribendum jam magno natu Johannes Apostolus animum adjectit. Ejus ipse se auctorem manifeſte declarat ad calcem operis. Nec video quo argumento vel auctoritate freti nonnulli conjecterint postremam hanc partem à Johanne altero, Ephesino Episcopo, Ephesina Ecclesiæ nomine, post Johannis Apostoli obitum fuisse adiectam. An quod Johannem de futura sua morte tam certo ac definite loqui non posse senserint? Quasi scire non potuerit se communi moriendi legi natum esse, atque hæc Christi verba de se, *Si eum volo manere donec veniam, quid ad te?* sibi immortalitatem neutiquam spondere, & perversam iis assertam esse sententiam à fratribus. Deinde quod additur: *Et scimus quia verum est testimonium ejus,* id putant nonnisi à pluribus scripta esse de uno; non ergo à Johanne solo de seipso; quippe non simul, & plurali numero, & singulari de se potuisse loqui. Ego contra aio perulgata esse generis hujus exempla apud scriptores. Sic Christus ad Nicodemum, in eodem Johanni Evangelio: *Amen, amen dico tibi, quia quod scimus loquimur.* Præterea vox, *Scimus*, non ad Johannem solum, sed ad reliquos etiam Discipulos spectat: ac si dixisset, Ego, ac Discipuli reliqui, scimus ea vera esse, quæ de Christo testificatus sum. Ad hæc cum ait *επειδοτον* de se: *Hic est Discipulus ille qui testimonium perhibet de his,* & scripsit hæc, constat sibi, qui supra pari modestia se ipse dissimulavit, cum dixit: *Erat ergo recumbens unus ex Discipulis ejus in sinu Jesu, quem diligebat Jesus.* Postremo unicum clausulæ hujus auctorem ista indicant: *Nec ipsum arbitror mun-*

dum capere posse eos, qui scribendi sunt libros. En tibi Scriptorem de se numero singula-
ri loquentem: quod utique non fecisset, si nomine Ephesinæ Ecclesiæ, uti volunt,
numero plurali supra fuisset usus. Cæterum multa ex hoc Evangelio testimonia depro-
mit Justinus, Johannis etati proximus, testis locuples, & nulli exceptioni obnoxius.
Eius item auctoritatem usurpat paulo recentior Ireneus. Refert denique Clemens Alex-
andrinus in libris *Contra nosos*, se accepisse à majoribus postremum omnium Evange-
listarum Johannem res Christi gestas memoriae prodidisse. Præterea de rerum origine
differens Amelius, Platonicus Philosophus, suppar his temporibus, ex Evangelio ^{Amel. apud}
^{Euseb. Pæp.} Johannis, quem celato nomine Barbarum appellat, prima verba usurpat, à Christi li.
libr. 11. cap. 19.

VII. Johanni quoque adscribuntur Epistolæ tres, & Apocalypsis. Primam Episto-
lam citra controversiam ab universis Christianorum Ecclesiis numquam non admis-
sam fuisse, & Johannii Apostolo tributam, reliqua venisse aliquando in contentionem,
deque eorum auctore dubitatum esse tradit Eusebius. Ac è Prima quidem Epistola ^{& ejusdem}
testimonia fuisse Papias, quo nemo melius veritatem illius perspectam habere potuit,
quippe qui Johannis fuerit auditor, ut supra dixi. Laudant eamdem Ireneus, Tertul-
lianus, Clemens Alexandrinus, Origenes, & reliqua deinceps Ecclesiasticorum au-
torum caterva. Inter quos insignis est Dionysius Alexandrinus testificatio libro secundo
De promissionibus: ab uno siquidem eodemque auctore profecta esse docet Evange-
lium, & Epistolam Catholicam, quæ Johannis nomen gerunt; idque cum ex verbo-
rum ac sententiarum conformatia, tum ex consimili scriptioris genio demonstrat.

VIII. De Secunda, ac Tertia major est discrepatio; nec ea tamen de vetustate ^{Secunde, ac}
ipsarum, sed de auctore, quem quidam Apostolum Johannem, nonnulli Johannem ^{Tertiæ.}
alium Presbyterum, Christi itidem discipulum esse volunt, Johannis Apostoli aequalem.
Johanni quidem Christi discipulo secundam adscribit Ireneus, & testimonium ex ea ^{Iren. lib. 1.}
recitat. Observatione vero dignum est *πρῶτον* alterum, indidem alibi ab eo deponentum, ^{cap. 12.}
quod tamen è Prima Epistola petere se ait. En tibi ipsius verba: *Quos & Dominus* ^{Iren. lib. 3.}
nobis cavere prædixit: & discipulus ejus Johannes in predicta Epistola fugere eos præcepit di-
cens: Multi seductores exierunt in hunc mundum. Qui non confitetur Jesum Christum in car-
ne venisse, hic est seductor & Antichristus. Quam prædictam appellat Johannis Episto-
lam, ea est Prima proxime ab eo laudata, cum verba tamen quæ affert jaceant in
Secunda. Sane videtur sanctum virum fefelleris locus huic consimilis, qui in Prima ex-
stat: *Multi Pseudopropheta extierunt in mundum. In hoc cognoscitur Spiritus Dei. Omnis Spi-* ^{1. Job. 4. 1. &}
ritus qui confitetur Jesum Christum in carne venisse, ex Deo est: & omnis spiritus qui solvit Jesum, ^{fecit.}
ex Deo non est, & hic est Antichristus. Clemens Alexandrinus Johannis majorem Epistolam, ^{Clem. Alex.}
hoc est Primatam citat. Ex quo efficitur Johannis ejusdem esse reliquias duas, vel alterutram
certe, Apostoli nimurum, quem Prima auctorem esse demonstravimus. Nam si unica Johan-
nisi Apostoli haberetur Epistola, cur maiorem eam appellaret, qua minorem, nullam auctor
idem dedisset? Has postremas duas cum reliquis Catholicis in censum sacrorum Librorum
conjecit idem Clemens in libris *Contra nosos*, ut auctor est Eusebius. Tertullianus testi-
monia ex Secunda, tanquam Canonica, deponit. A multis quidem dubitari ait Ori-
genes, an genuina sint Secunda, & Tertia, hoc est an Johannis' Apostoli; se tamen id
concedere. Dionysius Alexandrinus, ubi de Johannis' Apocalypsi differit, ut eam Jo-
hannis alterius ab Evangelista esse prober, à Secunda, & Tertia Johannis Epistolis dis-
crepare ostendit. Sexcentos tulerunt anni sequentes, qui eas Johannii Apostolo absque
hesitatione tribuerunt. Meminerimus præterea eum nos genuinum appellare librum,
qui ab eo auctore scriptus est, à quo dicuntur esse scriptus; & eo circiter tempore, quo
scriptus esse fertur: has autem Johannis Epistolas, cuiuscunque sint auctoris, sive
Johannis Apostoli, sive alterius Johannis Presbyteri, eo tempore scriptas esse constar,
quo feruntur esse scriptæ, cum uterque hic Johannes Christi fuerit discipulus; ab eo
autem auctore sunt scriptæ, à quo dicuntur esse scriptæ, Johannis enim Presbyter
præ se ferunt nomen, nec quisquam ab eo scriptas esse negat: is autem, sive sit Apo-
stolus Johannes, sive Johannes alter, certe Johannes Presbyter est, quicunque tandem
ille est. Qui etiam si incertus esset adhuc & dubius, ita ut olim fuit, (quem tamen Jo-
hannem Apostolum esse cum Ecclesia Catholica certum habeo) nihilominus staret no-
stra sententia; nam cum ab incerto auctore scriptæ essent, & ejusdem auctoris incer-
ti nomen præ se ferrent, fatendum certe esset scriptas fuisse ab eo auctore, à quo
vulgo dicerentur esse scriptæ. Atque eadem valere debet ratio ad propugnandam Apo-
calypses, Epistolæ ad Ebraeos, Secundæ Petri, aliarumque Jacobi & Judæ duarum
fidem. Denique, ut Christianis excuterentur duas illæ Johannis Epistolæ, tam breves
illæ sunt & exiguae, ut sua nihilominus Christianæ Religioni, absque illarum ope,
constare possit auctoritas.

Euseb. Hist.
libr. 6, cap. 14.
Tertull. de car-
ne Christi,
cap. 24.
Dionys. Alex.
libr. 1, de pro-
missionib.